

TEMPUL CHEI THÂN

VÂNTLÂNG: Kan intanpui tâng thîn..

CHÂNGVAWN: “**Rinna atâna tâng tângin, thawk ho rawh u,**” (*Filipi 1:27, ICB*).

Chhiâr Tûr: 2 Lalte 12:1-15; 2 Chronicles 24:1-14; *The SDA Bible Commentary*, vol. 2, pp. 923, 924.

Thuchah: Pathian chhûngte zîngah chuan, kan thawk ho thîn.

Zirlai Tum: Naupangte Chuan:

- Pathian tâna thawk tûrin an thawk tâng thei a ni tih **hria a**,
- Pathian tâna thawktûte zînga mi an ni tih **rîlrû pûin**,
- Mi dangte nêen thawh tân zêl duhnain an **chhâng lêt ang**.

Thil tih tûr eng emaw: hmun phiah te, tukverh dârthlalang hrûk fâi te, tuâl leh huân vêla hnim pawh fâi te, in chhûng hmanraw lo rem that tih vêlahte in chhûngte in tanpui tawh thîn em? Joas-a chuan biak in lianpui chei tha tûrin an ram a kaihruai a. Mi tinte chu phûr takin an thawk tâng theuh a ni.

LAL JOAS-a chuan thil tih chhâk êm êm mai a nei a. Israel leh Juda lalrama lal leh lalnu sual tak takten ro an rêl chhûng zawng khân Pathian tempul chu enkawl that a ni ngai lo va. Lal sual thenkhat phei chuan tempul bangte thiatin, milem pathian biakna tûr hmun sak nante an hmang a.

Lalnu sual tak Athali fapate phei chuan tempula rangkachak leh tangkaruâ hmanga siam Pathian biakna bungruâte la chhuakin, milem pathian biak nân an hmang vêl thîn a ni.

Tûnah erawh chuan Joas-a chu lal a lo ni ta thung a. Ani chuan tempul chei that a duh a. A bangte pawh lung tha ber ber hmanga siam that a duh bawk a. LALPA chibaibûkna hmanruâ atân hmanrawn thar siamte pawh a duh a. Mahse chutiang siam nân chuan sum tam tak a ngai dawn sî a ni. Khawi



aṭangin nge sum chu a hmuh theih ang le?

Chutah Joas-a chuan tih dân tûr a hre ta. A sum hmuhte a khâwl zêl ang. Mahse, mahnî chauhin chû chu a ni lo vang. Mi dangte pawh chutianga ti vê a, ṭanpui tûrin a sâwm dâwn a ni.

Joas-a hnathawktûte chuan sum dah khâwlna tûr bâwm an siam a, thingrem lian ang deuh hi a ni. A chunglamah pawisa thlâkna tûr an ti-âwng a. Chû bâwm chu tempula luhna tûr kawngkapui bulah an hûng a. Mîte chu Pathian chibaibûk tûra an lo kalin, bâwmah chuan thawhlaawm chu an thlâk ta zêl a. Mi ṭhenkhat chu hausa vê tak takte an ni a, ṭhenkhat erawh chu rethei vê takte pawh an ni bawk a. Mahse, an zâ chuan hlim takin thawhlawm chu an thawh tlâng ṭheuh a. Rei vak lovah chuan thawhlawm bâwm, thingrem chu a khat ta mai a ni!

Puithiamte chuan pawisa chu bâwm aṭangin a ruâk chhuak a, an dah ṭhâ a. Lal robâwmah him takin an dah ṭha zêl a. Bâwm ruâk chu mîten thawhlâwm dang an rawn thawh zêl theih nân a awmna ngaiyah an hûng leh a. Chutiang chuan thawhlawm chu a lo tlin tam vêleh, puithiamte chuan an ruâk a, an dah ṭha zêl a. Bâwm chu an dawh leh zêl bawk a. Mîte chuan thawhlawm thawh tûr dang rawn kengin, bâwmah chuan an thlâk zêl ṭhîn a ni.

Chutiang chuan Lal Joas-a sum bâwmah chuan sum tam tak a lo awm ta a. A hmâ âi kha chuan tling khâwm tam tak a ni ta. Tûnah chuan tempul chei ṭhatna tûr khawp sum an nei thei ta a ni.

Tempul chei ṭha tûr chuan puithiamten ram chhûnga mistiri (carpenter) thiam ber berte leh lung chher thiam ber berte an ruâi a. Hmanruâ atân pawh thing leh lung ṭha ber ber chîte an hmang a. Thîr leh dâr chher thiamte pawh an ruâi tel bawk a. Hnâ chu an thawk tlâng ta suâu suâu mai a, kê lohah tempul chei ṭhat hnâ chu an thawk zo ta mai a ni. Chuti chung pawh chuan an thawhlawm thawh khâwm sâ chu a la chuâng ṭeuh mai a. Lal Joas-a chuan chutiang hmang chuan tempula Pathian biak nâna hman tûrin bungbêl siam nân leh cheimâwi nân a hmang a.

Joas-a chu a hlim hlê mai. Mipuite pawh an hlim bawk! Pathian châwimâwi nâna an thawh ho avângin an hlim tlâng a. Pathian tempul chu in mâwi ropui bîk ni tûrin an siam a ni.

Keini pawh Pathian châwimâwi tûrin kan thawk tlâng thei a. Pathian biak inte hi fâi leh thianghlim tak, mâwi takin kan vawng thei ang. Mahnî chênna in lamah te, biak in lamah leh sikul lamahte pawh Pathian châwimâwi zêl tûrin kan thawk thei dâwn a ni.

TÌH TÛR LEH SAWI TÛR

Sabbath Chàwnhû: Tûn kêr nî tinin zirlai hi chhiar ho ṭhîn ula, a hnuaia zaizir dân hmang hian chângvawn pawh in ennawn leh ṭhîn dâwn nia:

Rinna atân. Chunglam kêwk ula.



ṭang tlângin Lu chungah kut dah kawp ula.



Thawk ho ula . . . Kut khing hniha hrui hnûk angin tî ula.



Filipi 1:27 Kut pahah pahnih thlawp a, kâu leh.




Sunday: In fâten mi dangte nêna an Sabbath sikula tempul an siam kha mi dangte hnêna sem tûrin fuih la, Pathian tempul chei ṭha tûra mîte an thawh ho dân chungchâng pawh hrilh ang che. (A nih loh leh, Biak in lem ziârâng kha chhui fiah a, mâwi taka chei tûrin i ti dâwn nia.)



Thàwhṭannî: A remchân chuan, in sak lai mêk awmnaah in fâte hruaiin, thlîr kualpui teh u. Inzawh tûr: “Hêng mîte hian eng nge an tih mêk? Thawktûte an thawh ho theih dân kawngte hrilh la. Pathian tâna thil ṭha ti tlâng tûrin Pathian mîte an thawk ho ṭhîn tih hrilh nghâl ang che.

Thàwhlehni: Rimâwi eng emaw siam tûra khawn rîk theih ang ang, thîrfian, thlêng leh remchâng dangte pawh in chhûngte kentîr ṭheuh ula. Mi dangten hlá an sak laia lo khâwng ri tûrin mi pakhat ruât chhâwk zêl an che u. **Inzawh tûr:** A khawi ber chu nge hlim awm? Sawi tûr: Pathian châwimâwi tûrin Pathian fâte an thawk ho ṭhîn.



Nîlâinî: In chhûngkaw tâna thil thawh tlân theih tûr (entîr nân motor sil te, pangpâr chîn leh enkawl te, hmun tihfâi leh thil dangte pawh) ngaihtuahin, ti ho teh u. Chutiangah pawh chuan Pathian fâte chu an che tlâng (thawk ho) ṭhîn tih hrilh la. Hla sak tûr: **“With Jesus in the Family”** (No. 33), belh chhahna tûr: “When families work together, happy, happy home.”

Nîngânî: In kohhran enkawl/tih hmasâwn nâna in chhûngkuain in tih tûr eng emaw tak ruâhman tlâng ula. Naupangte chêt leh ṭangkai vêna tûr pawh ngaihtuah tel ngêi ang che u.

Zirtâwpmî: Bible thawnthû hi lemchana in hman laiin, naupang lamte chu biak in sa mêk angin chêtîr ang che u. Pathian tâna in chêt ho theih avângin Pathian hnênah lâwmthû sawi ang chu e. Mi dangte ṭanpui tih lam hlâte sa ho vin, ṭawngtai zui ang che u.